

Srednja muzička škola Sarajevo
Broj: 01.3 – 395/17
Sarajevo, 01.06.2017. godine

ORGANIZACIJA PRIJEMNOG ISPITA

PRIJEMNI / eliminatorni ispiti za kandidate koji konkurišu na sve upisne programe Srednje muzičke škole Sarajevo će se održati prije Online upisa u srednje škole KS u slijedećim terminima:

SMJER	DATUM ISPITA
SOLISTIČKI SMJER – svi instrumenti	22. 06. 2017. godine u 12:00 sati Solfeggio sa teorijom muzike 23. 06. 2017. godine u 12:00 sati Glavni predmet - instrument
SOLISTIČKI SMJER – solo pjevanje	22. 06. 2017. godine u 12:00 sati Glavni predmet – solo pjevanje 23. 06. 2017. godine u 12:00 sati Solfeggio i Muzička teorija
BALETNI SMJER	22. 06. 2017. godine u 12:00 sati Glavni predmet - balet
MUZIČAR OPĆEG SMJERA	23. 06. 2017. godine u 12:00 sati Solfeggio i Muzička teorija

NAČIN OCJENJIVANJA I VREDNOVANJA PRIJEMNOG ISPITA

Stručni prijemni ispit na svim odsjecima polaže se pred tročlanom ispitnom komisijom koju imenuje Nastavničko vijeće. Ispitna komisija za zanimanja muzičar solista se bira za svaki instrument pojedinačno ili za grupu srodnih instrumenata gdje je ispitivač nastavnik glavnog predmeta - instrumenta. Članovi ispitne komisiju za zanimanje muzičar općeg smjera (MOS) su nastavnici stručnih teorijskih predmeta. Ispitna komisija se imenuje i za balet, a ispitivač je nastavnik baleta Škole.

1. Kandidati koji konkurišu na upisni program za zanimanje muzičar solista

Program instrumentalnog dijela ispita se boduje sa maksimalnih 40 bodova:

- Ocjena odličan (5) – 40 bodova ; Ocjena vrlodobar (4) – 30 bodova ;
- Ocjena dobar (3) - 20 bodova; Ocjena dovoljan (2) – 10 bodova.

Kandidat nije položio prijemni ispit ukoliko dobije ocjenu nedovoljan (1).

Solfeggio i Muzička teorija se boduje sa maksimalnih 10 bodova:

- Ocjena odličan (5) – vrednuje se sa 10 bodova,
- Ocjena vrlodobar (4) - 8 bodova,
- Ocjena dobar (3) - 6 bodova,
- Ocjena dovoljan (2) - 3 boda.

Kandidat nije položio prijemni ispit ukoliko dobije ocjenu nedovoljan (1).

Maksimalan broj bodova koje kandidat može ostvariti na cjelokupnom prijemnom ispitu je 50.

2. Kandidati koji konkurišu na upisni program za zanimanje muzičar općeg smjera i zanimanja za koja nije uvijek završena osnovna muzička škola

Stručni ispit iz nastavnog programa Solfeggio i Muzička teorija se boduje:

- Ocjena odličan (5) - 40 bodova,
- Ocjena vrlo dobar (4) - 30 bodova,
- Ocjena dobar (3) - 20 bodova,
- Ocjena dovoljan (2) - 10 bodova.

Ocjena prijemnog ispita, odnosno broj bodova za stručna zvanja muzičar općeg smjera i muzičar pjevač se utvrđuje prosjekom ocjena od dovoljan (2) do odličan (5) dobijenih iz kategorija: solfeggio, muzička teorija, sluh, memorija i ritam. **Učenik nije položio prijemni ispit ukoliko iz bilo koje kategorije cjelokupnog ispita dobije ocjenu nedovoljan (1).**

3. Kandidati koji konkurišu na upisni program Baleta -

Program praktičnog dijela ispita se boduje sa maksimalnih **40** bodova:

- Ocjena odličan (5) – 40 bodova ; Ocjena vrlo dobar (4) – 30 bodova ;
- Ocjena dobar (3) - 20 bodova; Ocjena dovoljan (2) – 10 bodova.

Kandidat nije položio prijemni ispit ukoliko dobije ocjenu nedovoljan (1).

RELEVANTNI PREDMETI ZA SREDNJU MUZIČKU ŠKOLU

1. Bosanski, hrvatski, srpski jezik i književnost
2. Muzička kultura
3. Prvi strani jezik

Napomena: Način bodovanja relevantnih predmeta je zbir ocjena u VIII i IX razredu osnovne škole pomnožen sa brojem 0,67, a maksimalnim brojem bodova dvadeset (20).

TAKMIČENJA

1. Kantonalna takmičenja: prvo mjesto 3 boda; drugo mjesto 2 boda; treće mjesto 1 bod
2. Takmičenja na nivou entiteta u BiH i BiH: prvo mjesto 4 boda; drugo mjesto 3 boda; treće mjesto 2 boda
3. Međunarodna takmičenja: prvo mjesto 5 bodova; drugo mjesto 4 boda, treće mjesto 3 boda

Napomena: Maksimalan broj bodova na osnovu kategorije takmičenja je deset (10)

Rang lista učenika za upis u I razred izrađuje se za svako zanimanje posebno. Bodovanje na rang listi vrši se na osnovu Odluke sa kriterijima za prijem učenika u prvi razred srednjih škola Kantona Sarajevo i na osnovu rezultata (bodova) postignutih na prijemnom ispitu.

ORGANIZACIJA PRIPREMNE NASTAVE

Za sve zainteresirane kandidate Srednja muzička škola Sarajevo je organizirala **pripremnu nastavu** iz nastavnih predmeta koji se polažu na eliminatornom prijemnom ispitu. Pripremna nastava ima za cilj da kandidatima omogući konkretnije upoznavanje sa specifičnostima i zahtjevima nastavnih programa i zahtjeva prijemnog ispita, načinom rada, te uvid u vlastite sklonosti, sposobnosti i profesionalno opredjeljenje kandidata. Pohadjanje pripremne nastave nije uvijek i ne utiče na rezultate prijemnog ispita.

Programi pripremne nastave su:

- **Solfeggio i Muzička teorija**- za kandidate koji konkurišu na upisne programe solističkog smjera i muzičara općeg smjera.
- **Individualna nastava** - za sve instrumentalne programe solističkog smjera i solo pjevanja (osim za kontrabas, trubu i trombon).
- **Praktična nastava**- za kandidate koji konkurišu na Baletni odsjek.

ARTIKULACIJA PRIPREMNE NASTAVE U PERIODU OD 08.06.2017.- 16.06.2017.

Od 08.06.- 16.06.2017. godine- Individualna pripremna nastava uključuje ukupno **10 školskih časova od 45 min.** (10 časova instrumenta organiziranih kao dvočas).

Od 12.06. – 16.06.2017. godine – stručni nastavni predmeti Solfeggio i Muzička teorija za SVE upisne programe-smjerove, kao i za kontrabas, trombon i trubu, u terminu od 12:20 – 14:00 sati svaki dan.(5 časova nastavnog predmeta Solfeggio i 5 časova Muzičke teorije, - ukupno 10 časova.)

Od 08.06. – 16.06.2017. godine – praktična nastava iz Baleta; 10 časova

Učenicima koji konkurišu na Baletni odsjek u organizaciji pripremne nastave nisu uključeni stručni nastavni predmeti Solfeggio i Muzička teorija, ali u koliko žele da unaprijede svoje stečeno znanje, mogu se prijaviti na pohadjanje iste.

Participacija troškova realizacije pripremne nastave

Pripremu stručnu nastavu participiraju zainteresovani kandidati i nije obavezna.

Iznos participacije po upisnim programima:

- **Solistički smjer – 20 časova; 200 KM** (dvijestotine konvertibilnih maraka)- **10 časova** individualne nastave i **10 časova** nastave iz stručnih predmeta Solfeggio i Muzička teorija.
- **Muzičar općeg smjera – 10 časova; 100 KM** (stotinu konvertibilnih maraka) – **5 časova** nastave iz stručnog predmeta Solfeggio i 5 časova- Muzička teorija.
- **Baletni odsjek – 10 časova; 100 KM** (stotinu konvertibilnih maraka)

Zainteresirani kandidati za pripremu nastavu mogu se prijaviti u periodu od 01. 06. 2017. do 07. 06. 2017. godine u sekretarijatu škole od 09:00 do 15:30 sati.

Sve potrebne informacije vezano za pripremu nastavu / prijemni ispit i plan upisa moći će se pronaći na web stranici škole www.muzickasa.edu.ba , e-mail: musicsch@bih.net.ba, kao i putem telefona na broj: 033 441 958 ili 033 207 951 (fax).

S poštovanjem,

direktorica Srednje muzičke škole Sarajevo

Mišta Čučić, prof.



Josipa Štadlera 1 / I, 71000 Sarajevo, Bosna i Hercegovina
telefon/fax: +387 33 207 951, +387 33 441 958
e-mail: musicsch@bih.net.ba
www.muzickasa.edu.ba